

UMS disaran bina Sekolah Farmasi

UM 30.03.2012 31

KOTA KINABALU 29 Mac - Universiti Malaysia Sabah (UMS) disaran supaya mewujudkan Sekolah Farmasi selaras dengan perkembangan bidang farmaseutikal di negara ini.

Pembantu Menteri kepada Ketua Menteri, Datuk Edward Khoo Keok Hai berkata, sudah tiba masanya bagi UMS menilai kewajaran membina fakulti tersebut yang diyakini akan mendapat sambutan menggalakkan daripada para pelajar.

Katanya, kepesatan bidang farmaseutikal di negara ini bakal membuka peluang besar kepada mahasiswa untuk memperoleh pekerjaan dalam bidang tersebut sekali gus memastikan rakyat di negeri ini juga tidak ketinggalan untuk menceburinya.

“Sudah tiba masanya untuk UMS mempunyai Sekolah Farmasi miliknya sendiri dan memberi penekanan terhadap bidang farmaseutikal yang mempunyai pasaran besar di negara ini,” katanya di sini baru-baru ini.